

PP-PSOE elkarlanak ETak «amore ematea» lor dezakeela uste du Redondo Terrerosek

Gaur egun EAJrekin aliantzarik gauzatzea «ezinezkoa» dela berretsi zuen

Joseba Arruti / Bilbo

Barne Ministerioko ordezkariak eta PSOEkoek martitzenean egindako bileraren emaitzak ikusirik, «pozik» azaldu zen atzo Nicolas Redondo Terreros, eta elkarlan horrek ETak «amore ematea» lor dezakeela erantsi zuen. Gainera, PSEren aliantza politiko oro Konstituzioarekiko eta Gernikako Estatutuarekiko atxikimenduan oinarritu beharko dela errepikatu zuen.

NICOLAS REDONDO TERREROS PSE-EEko idazkari nagusia azkenaldiko gertakari politikoak aztertzeke azaldu zen atzo prentsurrekoan. Iragan asteartean Barne Ministerioko ordezkariak eta PSOEkoek indarkeriaz jarduteko Madrilén egindako bileraren balorazio «positiboa» eginda ekin zion Redondok agerraldiari.

Bere berbetan, aipatutako bilerak hiru ardatz nagusi izan zituen: «Terrorismoaren kontrako batasuna sendotzea, ahalik eta eraginkortasun polizial handiena lortu beharra azpimarratzea, eta terroristei aurre egiteko politika judiziala eta penala hitzartzeko urratsak egitea». Biktimei begira ere «politika bateratua» aldarrikatu zuen Redondok. Bere iritziz, PPK eta PSOEek «terrorismoa estatu gai gisa jorratzeak» lor dezake ETak «amore ematea».



ALFREDO ALDAI / EFE

Nicolas Redondo Terreros, atzo Bilbon eginiko agerraldian.

NICOLAS REDONDO TERREROS

■ ■ ■ «Gure aliantza politika ez dute baldintzatuko ez oportunistoak, ez gobernu kontseiluan eseri nahiak, ezta inoren salbatzaile izateko asmoak ere»

Redondo Terreros «gizarte-ari» mintzatu zitzaion, etorkizunean EAEn sozialistek egin lezaketan aliantza politiko ororen osagai ezinbestekoak zeintzuk izango diren gogoan izan dezan: «Printzipio konstituzionalen eta Gernikako Estatutuaren aldeko jarrera garbia eskatuko diogu gurekin bat egin nahi duen edonori, modu horretan gaur

egun ez ditugun askatasuna eta bakea lortu ahal izateko».

PSE-EEko buruaren arabera, bere alderdiaren aliantza politika «ez du baldintzatuko ez oportunistoak, ez gobernu kontseiluan eseri nahiak eta ezta inoren salbatzaile izateko asmoak ere».

Buruzagi sozialistak zehaztu zuenez, «egungo egoeran, edo guk Eusko Jaurlaritzatik

alde egin behar izatea eragin zuen hartan, ezinezkoa da EAJrekin gobernuan batera aritu ahal izatea eta ez gaituzte jarrera horretatik mugituko».

PPren deia sozialistei

Bestalde, Carmelo Barrio EA-Eko PPKo idazkari nagusiak Eusko Jaurlaritzan lor daitekeen «aldaketa politikoarekin ilusionatzeko» deia egin zien atzo sozialistei ETBri eskainitako elkarrizketan.

Barrioren irudiko, «funtsezkoa» da PPK eta PSE-EEk elkar ulertzea Euskal Herrian «demokraziaren etsaiei aurre egiteko».

ETArri Ajuria Eneko espirituarekin egin behar zaio aurre, Anasagastik dioenez

Efe / Oñati

IÑAKI ANASAGASTI EAJko diputatuak gogor kritikatu zuen atzo PP eta PSOEko ordezkariak banak asteartean Espainiako Barne Ministerioan eginiko bilera, ETaren kontrako politikaz jarduteko. «Arazo errepresibo gisa saldu nahi digute gai hau, baina ez da bi alderdik bulego batean konpon dezaketene ezer», esan zuen. Horregatik, sozialistei dei egin zien «zabaltasun gehiagoz» jokatzeko, eta ETaren kontra «Ajuria Eneko Ituneko izpirituarekin edo Ardanzaren proposamena bultzatu zuen izpirituarekin» jarduteko.

EAJko diputatuak eta senadoreak Oñatin bildu ziren Espainiako gobernuak datorren urterako landu dituen aurrekontuak aztertzeke. Bileraren ostean Anasagastik esan zuen «aberrazio demokratikoa» dela abertzaletasunaren eta bereziki bere alderdiaren aurka PP egiten ari den «ia estermiozko gurutzadari».

PPk aurrekontuen luzapena ilegaltzat jo izana salatu du Zenarruzabeitiak

E. Begiristain / Gasteiz

EUSKO Jaurlaritzako lehendakariorde Idoia Zenarruzabeitiak atzo salatu egin zuen PPK aurrekontuen luzapena «legez kanpokotzat» jo izana. Izan ere, PPK ekimen bat aurkeztu du Legebiltzarrean Herri Kontuen Euskal Auzitegiari eskatzeko azter dezan Eusko Jaurlaritzako aurrekontuen luzapenaren ustezko ilegaltasuna. Zenarruzabeitiaren aburuz, PP «gizartearen alarma sortzen aditua da, Euskadiko giro politikoa arriskuan jarritz».

Haren hitzetan, aurrekontuak luzatzea «normala da eta legeak aurreikusitakoa betetzen du». Horren adibide gisa, Arabako Diputazioak, Gasteizko Udalak eta beste hainbat erkidegok gauza bera egin dutela gogoratu zuen. Halaber, ukatu egin zuen luzatzea Eusko Jaurlaritzaren erabakia izan dela.

«Bakea eztabaidatzeko eta erabakitzeke bideak jarriko dituen esparrua da», dio Diezek

■ LABeko idazkari nagusiak bakearen kontzeptu desberdinez jardun du

Erredakzioa / Bilbo

LAB sindikatuko idazkari nagusi Rafa Diezek *Bakea: helburu kolektibo baten ikuspegi hirukoitza* izeneko hitzaldia egin zuen atzo Santutxun, bakearen inguruan antolatutako jardunaldi batzuetan. Bakea euskal gizartearen nahia dela esan zuen, baina bakeak dituen kontzeptu eta ezaugarri desberdinek zaildu egiten dutela hura lortzea. «Horregatik, kontuan izan behar diren

lehenengo gauzetako bat da bakea justizia, elkartasun eta bizikidetzat modu baten ondorioa dela», esan zuen. Bigarrenik, indarkeria modu askotan agertzen dela, eta estatuen «bortizkeria zuria» ez dela askotan ikusten edo aztertzen nabarmendu zuen.

Rafa Diezek hiru bake modu aipatu zituen. Frankismo garaiko «hilerrietako bakea» da lehena, «elkarrizketa eta negoziazio faltan oinarritzen dena, eta Euskal

Herriaren makurtzea helburu duena». Bigarrena *bakea da* planteatzen dutenena: «Bakea ETaren indarkeria ezarekin lotzen da. Planteamendua errespetagarria da, baina okerra. Indarkeria neurri batean gainditzeak ez gaitu eta bakera hurbiltzen, bakea eskubide indibidual eta kolektiboen ondorioa delako». Azkenik, *bakea* «askatasun esparruen sinonimo» gisa defenditu zuen LABeko kideak. «Euskal Herrian bake horri buruz



GARI GARAIALDE

Rafa Diez.

aritu behar dugu; eztabaidatzeko eta erabakitzeke bitartekoak jarriko dituen esparru gisa ikusten du planteamendu horrek bakea».